



Trafikktryggingssutvalet i Vestland fylkeskommune  
Sandslihaugen 30  
5254 Sandsli  
Att: Even Vaular

Sandslihaugen 30  
5254 Sandsli  
Postboks 7900  
5020 Bergen

Tlf: +47 41206132  
nestas@tryggtrafikk.no  
www.tryggtrafikk.no

Referanse:  
Knut Olav Nestås

Dato:  
09.03.2020

### **Høyring om ny læreplan for valfaget trafikk**

Me viser til høyringa om læreplanen i valfag trafikk med frist 14. april 2020. Den nye læreplanen og høyringsspørsmåla ligg på Utdanningsdirektoratet sine sider her:

<https://hoering.udir.no/Hoering/v2/909?notatId=1567>

Me meiner det er viktig at Trafikktryggingssutvalet kjenner til at valfag trafikk finst som tilbod for mange ungdomsskuleelevar, samt at læreplanen no blir revidert. Valfaget gjev elevane moglegheit til å få betre forståing for trafikktryggleik, nullvisjonen, samt korleis ein kan ta etiske og miljømedvitne val. Ber derfor om at skrevet går til Trafikktryggingssutvalet som orientering/referatsak eller på annan eigna måte.

### **Den nye læreplanen er framtidsretta**

Det fyrste utkastet som var til høyring i 2019 var etter vår oppfatning allereie eit godt planutkast. Trygg Trafikk spelte inn framlegg til endringar, og dei fleste av desse er det teke høgde for i siste høyringsutkast. Det som no ligg på bordet er framtidsretta og fokuserer m.a. på at barn og unge treng å læra om mobilitet frå eit folkehelse-, miljø og berekraftsperspektiv. Elevane skal læra om risiko og etiske val, og dei vil sjå samanhengar mellom kompetansemål for ulike fag i skulen og i vegtrafikklova sin § 3., den såkalla grunnregelen for all trafikk. Dette synleggjer ein heilskap og samanheng elevane vil dra nytte av som trafikantar, men som samtidig byggjer bru frå trafikk som tema til fag som KRLE, samfunnsfag, naturfar og kroppspøving.

### **Kva kan me gjera i fylka?**

#### *Motivera kommunane*

For at elevar skal få høve til å læra meir om framtidas trafikktryggleik, mobilitet, folkehelse, miljø og berekraftig transport, er det viktig at flest mogleg kommunar tilbyr valfaget. Dette er noko Trafikktryggingssutvalet kan bidra med gjennom å motivera kommunane. Døme på

korleis det kan gjerast, er å informera om valfaget på konferansar, relevante fagdagar, samt tilby støtte til vidareutdanning av lærarar. Trygg Trafikk har dei seinare år gjort det siste, særleg som ein del av Trafikksikker kommune-satsinga. I Sogn og Fjordane har Trygg Trafikk gitt støtte til lærarar uavhengig av om dei jobbar i ein kommune som er eller ynskjer å bli ein Trafikksikker kommune. I tillegg organiserer me nettverkssamlingar for lærarar som alt underviser eller som ynskjer å undervisa i valfaget trafikk. I år er det planlagt samlingar både i Bergen og i Sogndal.

Det er mogleg og populært å tilby trafikalt grunnkurs som ein del av valfaget trafikk. Dei kommunane som vel dette, må sikra seg at lærarane har relevant kompetanseheving for å kvalifisera til å undervisa i faget. Nokre skular samarbeider òg med trafikkskular om gjennomføring av heile eller delar av valfaget. Relevant vidareutdanning for lærarar kan takast ved Nord Universitet, Stjørdal, ved trafikklærarutdanninga:

<https://www.nord.no/no/Student/studieplaner/evutgl>

Trygg Trafikk vil senda inn ein uttale til høyringa før fristen 14. april. Ettersom planen blir vurdert som svært god, får det vera opp til Trafikktryggingutvalet om det er ynskjeleg med ein eigen uttale frå utvalet. Dersom det er ynskjeleg kan me vidaresenda vår uttale til Vestland fylkeskommune for gjennomsyn.

Med venleg helsing

**Knut Olav Røssland Nestås**

Trygg Trafikk Vestland

41206132

[nestas@tryggtrafikk.no](mailto:nestas@tryggtrafikk.no)